



Direktoratet for mineralforvaltning
med Bergmesteren for Svalbard

Adresseinformasjon fylles inn ved ekspedering.
Se mottakerliste nedenfor.

Dato: 05.06.2015
Vår ref: 14/01781-8
Deres ref:

Høring av søknad om løyve til prøveuttak på Muggeteigen i Lærdal kommune

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 40 50
E-POST mail@dirmin.no
WEB www.dirmin.no

GIRO 7694.05.05883
SWIFT DNBANOKK
IBAN NO5376940505883
ORG.NR. NO 974 760 282

SVALBARDKONTOR
TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) har motteke søknad om løyve til prøveuttak etter § 12 i Lov om erverv og utvinning av mineralressursar (minerallova) frå Voll Lunde Maskin AS, datert 3.12.2014.

Søknaden med vedlegg er tilgjengelig på DMF si heimeside: <http://www.dirmin.no/> under fana "Saker til høyring". Høyringsinstansane kan få tilsendt søknaden i papirutgåve ved førespurnad.

Høyringsfristen er **måndag 6. juli 2015**.

Søknaden

Søknaden gjeld prøveuttak av om lag 2000 m³ fast fjell på Muggeteigen på del av eigedomen 46/1 i Lærdal kommune. Uttaksområdet ligg ca. 5,4 km nordvest for Fodnes like ovanfor Rv 53. Føremålet med prøveuttaket er å få avklart om bergarten i området kan nyttast til plastrings/murestein. Lærdal kommune har gjeve mellombels dispensasjon etter § 19-1 i plan- og bygningslova for prøveuttak av stein i søknadsområdet.

DMF si handsaming av søknaden

Minerallovas føremål er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

DMF er konsesjonsmyndigheit i saker som gjeld samla uttak av mineralførekomstar på meir enn 10 000 m³ masse og alt uttak av naturstein.

DMF sender søknadene om prøveuttak, inkludert uttaks- og istandsettingsplanar, på høyring til aktuelle høyringsinstansar jf. forvaltningsloven § 17. Etter § 12 i minerallova skal DMF gje grunneigaren, brukaren av grunnen, fylkesmannen, fylkeskommunen og kommunen anledning til å uttale seg.

Søkjaren får høve til å kommentere innkomne fråsegner før DMF gjer vedtak.



Innkomne søknadar om prøveuttak går gjennom ei skjønnsmessig prøving hos DMF før det blir avgjort om det skal gjevast løyve til prøveuttak. I vurderinga av om det skal gjevast løyve til prøveuttak skal det leggjast vekt på om prøveuttak er naudsynt for å kunne vurdere om førekomsten kan nyttast til planlagt føremål. Kan dette kartleggjast på andre måtar, skal løyve normalt ikkje gis. I vurderinga skal det og leggjast vekt på:

- Kva tiltaket kan ha å seie for verdiskaping og næringsutvikling
- Korleis tiltaket vil påverke omgjevnadene og dei nærliggjande område under drift
- Dei miljømessige konsekvensane av utvinning
- Kva planar som finst for etterbruk eller tilbakeføring av området

Løyve til prøveuttak kan ikkje gis for meir enn 2000 m³ masse unntatt i særlege tilfelle. Dersom DMF gjev løyve til prøveuttak, kan det bli knytt vilkår til løyvet, jf. minerallova § 12.

DMF gjer merksam på at løyve til prøveuttak gjeven etter minerallova ikkje erstattar krav om løyve etter anna lovgjeving. Det er søkjaren sitt ansvar å skaffe slikt løyve.

Meir om høyringsfråsegnene

DMF oppmodar høyringsinstansane om å kome med grunngjevne synspunkt på om løyve til prøveuttak bør gjevast eller ikkje, inkludert konkrete framlegg til avbøtande tiltak og vilkår som bør stillast med omsyn til det ansvarsområdet kvar instans er sett til å forvalte. Private partar kan kome med innspel ut frå konkrete tilhøve i den aktuelle saka. Dersom høyringsinstansen er kjend med tilhøve som ikkje er tilstrekkelig drøfta i søknaden, ønskjer vi opplysningar om desse.

Generelle kommentarar knytt til arealbruken i området skal ikkje vurderast i samband med søknadar om løyve til prøveuttak. Dette omsynet er sikra gjennom plan- og bygningslova. I vurderinga vår vil vi difor ikkje leggje nemnande vekt på synspunkt som gjeld kommunen si allereie vedtekne arealdisponering (arealplan, reguleringsplan og eventuelle dispensasjonar frå kommuneplanen).

Vi ber kommunen om å informere oss snarast råd dersom det finst aktuelle høyringsinstansar som ikkje står på adresselista.

Innsending av høyringsfråsegner

Vi ber om at høyringsfråsegna blir send innan fristen 6. juli 2015, på e-post til mail@dirmin.no eller ordinær post til: Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim

Deler av høyringsfråsegna kan bli sitert i vedtaket om løyve til prøveuttak skal gjevast eller ikkje. Dersom fråsegna er omfattande, er det ein fordel om det utarbeidast eit samandrag som kan brukast til dette.



Med helsing

Stein Erik Hansen
senioringeniør

Børre Fiva
senioringeniør

Dokumentet er elektronisk signert og har derfor ikkje handskrivne signaturar.
Sakshandsamar: Børre Fiva

Mottakere:

Lærdal kommune	Postboks 83	6886 LÆRDAL
Fylkesmannen i Sogn og Fjordane	Njøsav. 2	6863 LEIKANGER
Sogn og Fjordane fylkeskommune	Fylkeshuset, Askedalen 2	6863 LEIKANGER
Endre Offerdal	Ofredal	6885 ÅRDALSTANGEN

Kopi til:

Voll Lunde Maskin AS	Tønjum	6887 Lærdal
BruCon AS	Bjørnstjerne Bjørnsonsgate 21	3044 Drammen